

ديوان / إوعاكي يامه

الشاعر :
علي نظير هويدي

نبراس للنشر والخدمات
الإعلامية

علی زطیر کهور برک

اوعاکی یا مای تاکی بیدک الشـوله
وتبصی من تانی لینا بعینک الحوله
وترضعینا الغلت من بزرک المشـلول
وعیونک ایتکملت لأبن المغول والغول
طایح وبایح وقدامه البساط معدول
یرمح ویمرح ویرعی فی قته محلوله
.....

وانتی الی معدودة وسط الحسنوات قمره
وبیجوا هلافت یباتو ویصبحوا امره
یشند عودهم ویطلعوا یقطفوا الثمره
وتصبح فی دهم جمیع الشوری والقوله
.....

دنا لسه فاكر يا أمي ضريبة السكين
واللى ما حيلته يبيعوا ولده يوفى الدين
واللى ما يتبعش زى الجحش بالقرشين
قدام أبوه يدبحوه ببساطة وسهولة

.....

وفاكر مشاقق تتصبت فى الغيطان والزرع
والديب نيابه بتوصل اللبن فى الضرع
والهم لما عم سمع فى الجدور والفرع
ومحاكم القرع باسم الشرع مبدوله
وفاكر أبويا بيخدم فى غيط الوسية بقرش

.....

والعصر يذن عاوز يفطر لكن ما قادرش
وفطوره وغداه بتاوه مرغته مش
وعنيه بتتش جـوه الـوش مسبولة

.....

وكبير عيلتنا بيتبهاى إن عنده توب
فيه الف رقعه وسبعين فى المركب
بيقضى يومه بيعجن مخمرة للطوب

وبناته حواليه لحد بـازها موحوله

.....

وفاكر أخويا أما يعيا بحمة التيفود
يفضل ملقح لحد الشيخ أمين ما يفوت
يكويه بالنار ويشهق شهقتين ويموت
لما ييجوا يشيلوه يلاقوا الأرض مبلوله

.....

وفاكر البية في بلدنا نصباله بابور
وقلوا لازم عشان يطحن ومكنه يدور
فوق المكن يندبح عيل ودمه يفور
وأم الولد من ساعتها تلف مبلوله

.....

وفاكر العمدة في الحرجه فحتله بيبر
وعليها ملي وجاب السلبه ع النواطير
وجميع بنات البلد واقفين حداه طوابير
يسقى البهايم وترجع أختى ماخذولة

.....

دنا لسه حاسس يا أمى بلسعة الكرياج
وبجزمة الأجنبي فوق الجبين كالتاج
وما دقت طعم الكرامة إلا اما بحرك ماج
أعلنها ثورة ودور دورة معدوله

.....

وخايف تمسى يا أمى وانتى ناسياتى
وأصبح عقار فى الديار يتوارثوه تانى
مرة باسم الشريعة ومرة علماتى
ومرة جارة الصهاينة دولة مع دولة

.....

خايف وحاسس وفاكر كل شىء ماتاشيش
والمر فى الحلق طرطش حوط النخاشيش
نفسى أشوفك فى جوفك فرحتى وأعيش
ما رجعتش درويش بميت رقعة فى هلهولة
وتعودى يا مايا تاكلى بيدك الشولة

طنش

طنش طنش ما سمعناش
ولا سمعنا وما فهمناش
ولما فهمنا السر كتمنا
ونمنا وقلنا إحنا ما شفقناش
علشان شقنا دارينا كسوفنا
لأننا خفنا ومانطقناش
وقولنا أهو ماشي ما يستناشي
لكن بطناشي صبح هباش
هيش نتش في البيت فتش
ياللي ما خدش رحت بلاش
رحمه ونور وفرح وطهور
مولد ما ندور وصاحبه ما جاش
شرطع برطع مزع قطع

كل وتمطع ياسى حواش
وهات الشيشة ورص حشيشة
لسيدنا الباشا عشان حشاش
دا سيدنا الباشا السعد اختاره
ببمضى قراره بعود خشخاش
وسيدنا الباشا غرامه فى كامه
وأهله وناسه مايعرفهش
وسيدنا الباشا يحب الحظ
وساعة الهز مايعتقهاش
وسيدنا الباشا يموت فى اللذة
وكل الشاذة مايسستناش
وسيدنا الباشا عليه دورت
فى لعب الكرت ما يتوصاش
واللى ما هوش كده تحصله ماكيدة
واهو كيش الفدا يفدى البكاش
وسيدى متوللى أمان يا لالى
وكل ما تخلقى للأوباش

وطنش طنش لما تفتش
حسه ما رنش ما سمعناش
.....
طنش طنش لما تشوف
مصنع كان عماله الوف
وخمسين سنة ربحه مالوف
ويصرف للعمال أرباح
تيجي إدارة غاوية شطارة
تحول كل الربح خسارة
وتعطل مكنه بمهارة
وتبطل خطط الاصلاح
وتوقف إنتاجه المعتاد
والمصنع يتباع في مزاد
خرده مجاملة لزيد وزيد
والعمال سواح نواح
ولما تفتش تلقى مدير
طابخ الطبخة وسره في بير

وموعد انه ها يبقى وزير

ويقل عينه ما يفتحهاش

طنش طنش ما سمعناش

.....

طنش طنش جوه بنوك

عاوز سلفه جنيه مفكوك

خمسين امضا وصك صكوك

وبعدين تلقى الباب مسكوك

جاي منشار يصرف مليار

من غير ضمانات اصر فله كاش

طنش طنش ما سمعناش

.....

طنش عند الأرض البور

وانا مستتى سنين ودهور

جه من بره حازها مجره

والفين مره ما صابنى الدور

قلت ده حقى إستكر بقى

ديات متتقى لأبو رواش

طنش طنش ما سمعناش

.....

طنش طنش عند طبيب

أمر عجيب وغريب ورهيب

كله تجارة كيد مراره

تدفع إمسك تقبض سيب

رخصت ليه قيمة الانسان

يا أطبا وعليكم هان

كيف هيعيش لو كان غلبان

طب وأنا مالى إنشالله ما عاش

طنش طنش ما سمعناش

.....

طنش طنش فى الدواوين

ناس بتمشى وناس تاتيين

هتقوت بكرة لحد الفكرة

ما تصيح ذكرى للذاكرين

طرطش رش علينا تخش

وبكرة نقش مع القشاش

طنش طنش ما سمعناش

.....

طنش جوه كاست وشريط

هشاك بشاك لفظ سليط

طلب الباشا وبطل الشاشه

وبعده غلاسه وفكر عبيط

ولو شىء تانى حكم ومعانى

وجعلى ودانى ما يلزمناش

طنش طنش ما سمعناش

.....

طنش لما تشوف إعلان

يايا حزمى هي العنوان

واللى ما يرقص بيقى ها ينقص

ومالوش وزن فى أى ميزان
أما الأزهر والتعليم
مابقاش يرضى كوهين وحبيم
سيب الأزهر تخليه يخسر
والمدرسة حولها جراج
طنش طنش ماسمعناش
ولا سمعنا وما فهمناش
سيدى متوللى أمان يالالى
كل ما تخلى للأوباش
وطنش طنش كله طنش

صرخة حجر

وفى وسط ملايين البشر
وقفت أسمع للخبر
الطفل كان جوه الخطر
واقف فى وش اللي فجر
رغم الرصاص زى المطر
رغم القنابل اللي سيلت الدموع
رغم الآلام اللي بنتهش فى الضلوع
الطفل رافض ينكسر رفض الخضوع
ومد ايده ضرب عدوه بالحجر
.....

صرخ الحجر هز الشجر
لوح بأحلام البشر

صحى اللى نام واللى صبر

صحى الضمير اللى انكسر

جوه السكات من عهد فات

مات وانقبر

صرخ الحجر

.....

صرخ الحجر بين البنان

والصرخة دوت فى الودان

الليل جبان

والفجر بان

والصبح بشر جاي مكشر نابيه بان

والحق على وراح يلالى

بالف ميت مليون لسان

صرخ الحجر أهرب يا ليل

أهرب عشان أصلك هزيل

جواك عليل

والصبح جاي وحسابك اللى معاه طويل

اهرب يا ليل الضلمه من وسط البيوت

اهرب وفوت

أوعاك تفكر راح تجرني للسكوت

أنا مش هموت

أنا شمس طلعت مش هتدخل بطن حوت

ولا في التابوت

جبل الجليل الي في عهدك إتبنى

هتسوفه قدام شمسي دايب وإنصهر

صرخ الحجر

.....

صرخ الحجر يا للعجب

يا للضمير اللي إنعطب

يا كل كاتب في العرب

حبرك نضب جف اللسان

الغيره ماتت والغضب

حتى الشجب نام واستكان

فضلت وأثرت الهرب

وتركتني قبضة جبان
بمقدساتي إستهان
ولمسجدي قفل البيبان
منع الصلاة ، منع الأذان
وسافرت سواح في البلاد
بتغطي أخبار المزد
معانا كام على شرف مونيكا
ومعانا كام على بقعة الفستان
وتحلم بأن القدس حوطها الأمان
كفاك تمنى
كفاك تجني على القدر
صرخ الحجر

.....

صرخ الحجر يا راية العرب
أحضني كل الوطن
صرخ الحجر يا راية العرب
إنفضي خيوط العطن

صرخ الحجر : يا راية العرب إنهضي

د النوم وهن

د النوم سكوت

النوم كفن جوه التابوت

من غير ضمير ساب المصير

مربوط على إدارة نتن . . .

والعار فوق الديار زف الخبر

صرخ الحجر

.

صرخ الحجر

يا راية العرب إنسجي توبك جديد

والتوب يحوش

ما يدوبوش هم الكراسي والرصيد

صرخ الحجر

يا راية العرب بوصلي حبل الوريد

يجعل وداذك

بين ولادك في القريب والبعيد

صرخ الحجر
يا راية العرب إزرعي دم الشهيد
من جوه أرضك
راح بنبت ألف ميت مليون وليد
فيهم كفاح ٠٠ خالد صلاح
وعزيمة ابن زياد حديد
هيفكوا أسرك قدسنا
ويرجعوا عهدك مجيد
يحموا حماها على الدوام
وهيبعدوا عنها الخطر
صرخ الحجر
وسمعت صرخته وسط ملايين البشر

أنا غبي

أسف يا مولانا الدولار
أنا غبي
وبرغم إنك مش بتقبل اعتذار
أنا بعنتر
هو إنت ممكن تنتظر
غير الغباء من الغبي
أنا غبي
مؤمن بتعاليم النبي .. باخد وبدي
قد ما أدي مرتبي
وف يوم ناد الي
بعض أسيادنا الكبار
ونصحني أبعد عن طريقي ومذهبي
نصحني أمشي وراك يا مولانا الدولار

قال إن عندك
كل قدرة وإقتدار
ماسك في يدك
خط سير الانتصار
تقدر تطلع
جوه قلب الليل نهار
تقدر في لحظة
تخلي كل الكون دمار
وتجيب غريب النجم
لو بلغ فرار
أما الهزيمة والخضوع والإنكسار
مكتوبة دائما
للي بعدوا عن المسار
مارضتش أصدق
ولما شفت ما فيش خيار
ماقدرتش أصبر
رحت بطلت الحوار

ضحك وقالى
أما إنت أغبى من الحمار
ومن ساعتها
وأنا بعيش رافع شعار
أنا غبى
.....
عاود وقال
يا بو مخ أنشف م الحجر
سيدنا الدولار
ظابط مسار ضى القمر
سيدنا الدولار
بيولف الطير ع الشجر
بيوشوش النعيم
لأجل ما ينزل مطر
بيشيع الريح فى الشراع وقت السفر
سيدنا الدولار
جاهه وسلطانه عبر

كل الحدود
خطى الحواجز والسدود
شيع في كل الناس وفود
بتزف وتزيع الخبر
من كل دار سيدنا الدولار صبح إله
حاكم رقاب كل البشر
إسمه يطوف
تضرب دفوف كل الشفاه
وأمام عظمته
تتحنى كل الجباه
من نظرة منه
يتوجد طوق النجاه
وينظره ثانية
يتبدل بركان خطر
اللى ف ركايه
شمسه ما تفارق سماه
واللى ف غيايه

ضيه ما يباتلوش أثر
ما رضىتش اصدق
قلت ده صنع الإله
ما رضىتش اصدق
قلت ده صنع القدر
برطم وقالى
أما أنت متخلف غيبى
ومن ساعتها وأنا بعيش
رافع شعار أنا غيبى
.....
أنا غيبى
مؤمن بتعاليم البنى
من يوم ما قالى
إخوتك كل البشر
إخوة فى آدم
والتراب أصل ومقر
وما فيش تمييز عنصرى جوه التراب

جوه التراب الخير بيفيض بالثمر
من يوم ما قالى
إخوتك كل الأنام
وقالى دم أخوك وماله عليك حرام
قلع جدور الكره وابتعد ع الخصام
وازرع محبة فى الحجر يطرح سلام
من يوم ما علمنى
السماح قبل الفريضة
وافرق بين الطيبة وبين المريضة
أدفع بأحسنها تكون حجة وعريضة
والعفو عند المقدرة شيم الكرام
.....

هليت عظمتك
زى فيروس الزكام
غيرت سير النمل ومسار الحمام
وبدأت تعرض سلعتك
وسط الزحام

والعرض فرض
فى كل شئ وعلى الدوام
منصوب مزاد
يا هل البلاد قرب قوام
عندى البضاعة لأجل الوضاعة
ما تبلى ولايسة تاج لاحترام
أدى سم هارى ساعة العصارى
تقدر تشمه وتروح تنام
وأدى كل حاجة ويا الخواجه
قرب يا شاطر عاوز يكام
وياه نسيمة وإدين خبيثة
لأجل الفريسة أم الغلام
مزع كتابها ، قتل شبابها
ويضيع ترابها وسط الخصام
ويد الرباية ماسكة العصاية

جايه ورايا باسم السلام
وقفت أهاتي وأنده خواتي
نرجع نصلی خلف الإمام
راح قالی مهلك لساك بجهلك
بتحب أهلك لساك غبی
ومن ساعتها وانا بعیش
راقع شعار أنا غبی
.....

أنا غبی
مؤمن بتعالیم النبی
مؤمن بأنه فی آخرتی
جنه ونار
مؤمن بأنه بعد موتی
مافیش هزار
ما أقدرش أرقص ولا أنادي بالنبهار
أقدر اضحی بدنیتی
وأفضل حمار

أكل زباله

واشيل على ظهري الخضار

لكن أبيع ديني في ليلة أو نهار

أسف بقولك يا دولار

ما أقدرش أبيع ٠٠٠٠

أقتلني أحسن

زى ما قتلت الجميع

أحمد ، محمد ، مصطفى ، عبد السميع

في كل حته دبحتهم زى الخروف

مافلتش من يدك عجوزة أو رضيع

الأرض غرقانة بدم المسلمين

والدم عم صبيغ إيدك المأجورين

في كل حته ميت ألف جته متبعترين

في مناطق البلقان في جزر الفلبين

في السند ولا أندونيسيا والعراق

وفي الشيشان ، عجز البيان ع الميتين

وفي مهبط الرسالات ومهد الانبيا

صابرا وشاتيلا ولا قلنا ودير ياسين

وأشع جريمة

فى التاريخ وفى الوجود

تمت فى طفل المسلمين

جوه الهنود

فيه عشرة مليون طفل مسلم اتخصوا

وباس منك ويدسياسة من اليهود

باسك إنت ابن آدم ينخصى

زى المعيز

والانسانية محرمة خصى القروء

وعاوزنى أقولك إيه

يا مولانا الدولار

اقتلنى أحسن بزيادانا انتظار

اقتلنى أحسن زبهم أنا عيشتى عار

اقتلنى كيف ما قتلتهم

أنا منهم

أنا لسه مسلم دمي جواه دمهم

أنا لسه مسلم مش هسلم يا دولار
أنا مش هفديك
مش هزيدك انبهار
تقتلنى اقتل بس مش رايح أنقرض
من أى دار
تقتلنى اقتل بس برضك معترض
مسير المسار
هفضل أنادى فى كل وادى ليل نهار
الله أكبر من نفوذك يادولار
الله أكبر من حدودك يادولار
الله أكبر من وجودك يا دولار
الله أكبر كل همى ومطلبى
ياللى إدعيت
فى تمسكى بدينى غباء
بكره بيان
مين اللى كان خوان غبى

بيع الضمير

أنا يوم ما رحت السوق أبيع
بعث دوا الطفل الرضيع
واشتريت سيراميك مزحلق
واشتريت منظر خليع

..

ولما شفت السوق كبير
رحت بعث حاجات كثير
بعث كل كفاح سنيني
بعث إحساسى .. حنينى
بعث من جوايا دمي
بعد ما بعث الضمير

..

واشتريت كافيار وخمرة
واترملت في ليالى حمرة
ورحت شديت وشى بره
وشعري بقى زى الحرير

..

واشتريت ليلى بنهارى
والنفاق أصبح شعارى
واللى من حواليه جارى
شئ ما يهمش كثير

..

يحصل ايه لو كان مجاعة
ولا شعب ومات جماعة
والف ميت مليون إذاعة
دافنه سره ٠٠٠ جوه بير

..

والإرادة الأمريكية

عاززة كده فى الحنة ديه
وأى شئ بتعوزه هيه
فوق جبين الناس بصير
..

ستى قالت خير وبركة
للعرب ما تكونش حركة
ولا يوم تحصل مشاركة
ضد رغبة اسرائيل
..

أرض وادى الشام خدوها
هاندنوا مصر وجنبوها
قاطعوا ليبيا تأدبوها
ولسة ليها حساب عسير
..

والجزائر يوم ما قالت
رأى شعبها إستقلت
عطرسه وقفت وحالت
يوصلك صوت الضمير

إنقلاب من فوق قلبها
بالرصاص الزور غلبها
فى الشوارع ربت كلابها
خوضوا فى دم الفقير
..

واليمن قبله وبحرى
بالفتن يصبح فى حجرى
والجرب ياللى ماتتدى
لسه من جواه كتير
..

والعراق واللى جرالها
فى النهار صهيون قتلها
طاح شبابها وباح عيالها
ولسه ما مكفيش شامير
لسه حراس يحرسوها
وكل حبه بيدسوها
بأى حجة ويهرسوها

من الصغير للكبير ..

..

والخليج وأرض الحجاز

محروقين لتنين بجاز

واحتياطي النفط لسه

في أرضهم قاعد كثير

..

والشعوب الإسلامية

تبقى بين الناس مطية

للعصابة الصهيونية

وتتركب زى الحمير

..

ولد سام ده ولد عمه

غرق المسلم في دمه

حتى اللي في بطن أمه

دمه سال تحت السرير

والدولار لو يوم ترعزع

طيارات فى الجو تقزع
والصاروخ يطلع ويمزع
قلب شعب يكون فقير
الدولار يرجع مكانه
يترفع فى البورصة شأنه
وأى عملة تشوف كيانه
تبقى من حواليه خفير
..

دسته ست الناس أمركا
لو تخلقى الدم بركه
الجميع لازم يباركه
ويشربه ماء الغدير
وهم ساعنا وخذ سمعنا
من زمان وتربى معنا
يوم ما رحنا السوق وبعنا
كل شئ حتى الضمير

الشباب

الشباب نص النهاردة
والأمل معقود عليه
لأجل مستقبل بلدنا
بكره كله ما بين إديه
دا الشباب هو الرجوة
من البداية له حرم
لأجل ما يصون الطفولة
والكهولة والهرم
لأجل ما يخلص توازنه
يوم ويتقلب الهرم
يبقى محتاج فرصة كاملة
وفكره لازم يحترم

..

دا الشباب هو الدراع
اللى تحوط ع البدن
والشباب هو الدفاع
اللى بيدافع ع الوطن
والشباب هو العزيمة
اللى بتقدر ع المحن
والشباب هو الإرادة
اللى بتتحدى الزمن
واللى يهمل يوم شبابه
يبقى منتظر الكفن

..

والشباب مش بس قوه
وايد فتوه للدفاع
دا الشباب فكر وثقافة
تكشف الزيف والخداع
والشباب عالم بيوصل
لكتشاف بالاختراع

والشباب حركة تدور
لاقتصاد والاجتماع
والشباب بنين بيعلى
فوق حدود الارتفاع
والشباب قدرة خفية
ضئها جوه الشعاع

••

من حقوقه علما دابما
ما تركوش يوم للضئع
أحتويه أعرف شعوره
أحمى راسه من الصداع
أحمى فئه حد الغرزة
أحمى حد الاندفاع
أنصحه بس النصيحة
بالحوار والاقتناع
أشغله باللى شغلنى
فى مركبى دفة وشراع

..

ما تركوش فى يوم فريسة
للى زاع ولا اللى شاع
واللى بيميل دماغه للتطرف بالخداع
واللى بيزغلل عيونه
بالإباحة فى المتاع
واللى بيدمر خليه فى الدماغ ولا النخاع

..

أمى يا للى العلم زانك
من زمان صيتك مذاع
فى الأمم بصمة شبابك
علمت جوه النخاع
يا للى كنتى نظام حضارة
يوم ما كل الناس جياع
مين غيرك بفضل منارة
يهدى للدنيا الشعاع
مين هيقدر غير شبابك

لو فى يوم كسل وجاع
أحضنيه ضميمه فى باطك
إمحي جواه الصراع
هو معقول أمه تبني
للزمان تنسى الدراع
ولا معقول أمه تبني
فى التاريخ لاجل الضياع

حكاية كفر قرقاصة

شيطان الشعر توهنى

وخدنى لكفر قرقاصة

وكانت ليلة شتوية

وموجه برد قراصاة

لمحت صبية مزوية

ونائمة تحت كوم لاصة

وحواليها الفيران طوابير

تقول دورية وحراسة

..

فى توب دايب وبان خيطه

تعد تيلانه بالتيلة

وشق فى كعبها موصل

لعرق الدم توصيلة

دهشنى وشدنى حالها
وصحيتها أشوف مالها
سرحت بعينى لجمالها
ما شفقت زيتها جميلة
..

سألنها عن حكايتها
لعل أشرفها وسيلة
قالتلى وانت إيه دخلك
حكايتى منيلة بنيلة
يا عم روح وشوف شغلك
وسيبنى أناملى تعميله
..

أصريت إنى أسمعها
بدت توجعنى أوجاعها
وحسيت إن مضجعها
حرامى سوقه بالحيلة
..

قالتي الكفر ده كبرى
وناسه كلهم ناسي
لكني عدلت عن كبرى
آمنت بصديق إحساسى
ورحت صرخت فى العمده
ما تنقش فى الضعيف جافى
وكان العمده واد عمى
لكنه تاه ومتغمى ولما حلفته بدمى
طلع بايع وبات ناسى

..

وقالها كلمه بلسانه
ما خطيش تانى لمكانه
وكل الكفر علشانه
بقدمه داس على راسى
وأهلى وناسى قاطعونى
وصبوا عليا لعنتهم
يشوفوا الدمع فى عيونى

ما شفش ضمير بيعنتهم

ورغم ما كلهم زى

وتوب الذل فنتهم

ماراضيين يلبسوا زى

وسيف الخوف مسكتهم

وشاربين جبن وولادهم

بيرضعوا منه وبناتهم

..

نطقت يا بنتى مسكينه

قالتلى ما حبش الشفقة

فى نومى على التراب زينه

لا هقبل عطف ولا صدقه

أحب الكلمة سكينه

وتطلع تقصف الرقبة

لكنها تبقى كلمة حق

عشان الحق متعافى

ورغم العافية والقوة

ما يبقاش فى الضعيف جافى
بيبقى أمان لكل ضعيف
وحرية لسان ورغيف
رغيف ما خضعش للتزييف
ولا سجدش فى صنفة دل
ما هوش معجون بدمع الكل
لكن شارب عرق جدى
ودم خواتى فى الميدان
وجدى ما كانش عمره جبان
وشاف كل البشر إنسان ..
..

وفاكره لما كان عمده
فى وسط الناس حكيم بارع
يجمع مننا موده
يحوشها لجيل طالع
ويبعث يشتري معدة
تزود صنعة الصانع

ماباعش الترس والساقية
 ماباعش كلمته الراقية
 وراح لفينا ومراقيا
 يقضى الليل برقاصة
 وشلة هجص مهباصة
 وسايب يد قناصة
 بنقنص شبر من طيني
 وعين الغدر بصاصة
 ورايحة لكل فداديني
 تشيع سهم ورمصاصه
 لقتل هويتي وديني
 وجوه الكفر تخففتي
 وبره الكفر ترميني
 ورغم بشاعة الموضوع
 وكوني على التراب نايمه
 ما لاقياش لقمة تخفض جوع

بقضى الليل وأنا صائمة

أنا اللي معيش بعديهم

وتفضل كلمتى دايمة

..

أنا اللي معيش بعديهم

ولو قتلونى ميت مرة

هيفضل صوتى يأنىهم

وتفضل كلمتى حره

هيفضل صوتى يقلقهم

تملى برن فى ودانهم

وعند الموت هابير هيبهم

هيلقوه حى فى كفنهم

هيلقوه حى يقرصهم

ويخرسهم ويسجنهم

يخرسهم لأنه الحق

وصوت شق السكوت ونطق

وراح للظلم وغباوته

وقاله بالصراحة لا..

..

وقفت أبص لشطاني
لاقيته غاب وناه تاني
رجعت أحكيكو بلساني
حكاية كفر قر قاصة

من وراء الكواليس

في ليلة كنت مع صاحبي
أحمد ومريس
عزمنى على مسرح عامل
عرض لأوزوريس
وقفت تايه وحصلى ذهول وغثيان
من اللي شففته بيترتب جوه الكواليس
..

شفت الصور نازلة وطالعة
وناس كتير واكله وبالعه
متربطين زى الزلعه
من الودان أو زى الكيس
..

وتبص فيها تلقى غباء
مغطى على كل الأشياء
مبرمجينها بكل دهاء
فى نيورك وفى لندن وباريس
..

ومكان ما عاوزين يرموها
على حته علشان يبيدوها
وعلى الخراب بيجروها
ويصدروها زى الترابيس
..

وكل واحد ييجى محطوط
على مكانه بالمطبوط
متربطين بحبال وخيوط
متجمعه فى إيدين إبليس
..

إيدين خفيه تحركهم
وموقعاهم فى شراكها

وعلى الدوام تلقى عراكمهم
مع بعضهم زي النسائيس

..

وجماعة تضرب فى جماعه
وجماعة تردح فى إذاعة
من بعد كده تلقى مجاعة
والميتين تحت المتاريس

..

وتلاقى بؤس مالو هوش حدود
وشعب كامل حيله مهدود
أرواح وجسمها واكله الدود
ومن العطش بييموتوا فطيس

..

ويجبوا كاميرا تصورهم
ويوروا للناس منظرهم
ونقول قضاهم وقدرهم
يكونوا اللعبة فى ايد ملاحيس

..

مع البداية نزلت صورہ
لاقيت عليها ناس مأجورة
وعاملة نفسيها غيوره
ع الدين وعلى كل النواميس

..

وفى كل حل تقول ده حرام
ومخاليين الدنيا ضلام
ومضيعيين روح الاسام
وهمه فى الواقع جواسيس

..

بينفذوا خطة ذكيه
للصهيونية العالمية
ولهم موازنة دورية
بيقبضوها مع كل خميس

..

علشان يقولوا لكل الناس
المسلمين من غير احساس
جمعات همج ماليهمش أساس
وأصلهم واطى وخسيس
..

ويحرضوا العالم كله
يهين المسلم وينله
ولما اليهودى يحتله
يبقى شرف غالى ونفيس
وصورة فى الناحية الثانية
مكتوب عليها بلور وبتاريه
وعاملة نفسها متداريه
تحت الرماد بتهس هسيس
..

ورافعة درع الحرية
خداع لعين البشرية
عشمانه تصحى فى صبحيه

ست الوجود كعشم إبليس

..

والصهيونية عفاها

وغاززة سكين في قفاها

وممشياها حسب هواها

توحيلها وتوسوس وسويس

..

ولمحت فوق لوحة بنور

صورة حوت المافيا السهور

وفى كل حاجة ببيجي محشور

والخضرة بقى سوادها غطيس

..

وفى ضلة فيه تماسيح تاتية

ماشييه وراه خرسه وعميه

بتقلع الخير م الدنيا

ومطففين نور الفوانيس

شفت فى ايديهم طرف الخيط
عابر جدار البيت والحيط
م الصهيونية جاى التخطيط
وملبسين الناس قراطيس
..

مفهمينها إن المال
عصب الحياة وسلاح فعال
وما فيهش عيب وحرام وحلال
ما فيهوش كمان طيب وخبيث
..

لو أى واحد يتعرض
لحدود المال يبقى تمرّد
ولازم يموت أو يتشرد
من غير ما يتنفّس تنفّيس
..

وروايه كاملة محبوكة

وخيوطها كلها مشبوكة
ويبد صهيون ممسوكة
يخرج فصولها في الكواليس
..

صحيت من الغثيان مدهول
لاقيتني بدعو الله ويقول
يارب سلم م المجهول
م الصهيونية الطف يا مغيب

فلاح بسيط

أنا مش عبيط
صحيح أنا فلاح بسيط
شغال بترب للبهائم بالغبيط
وأنقى دود الأرض من وسط الغيطان
وأزرع عيدان التيل حوالين كل غيط
لكنى عمرى ما خاف من أبو لسان سليط
ولا عمرى هشرب سم فى العسل الخليط
ويجنبنى ضى البهرجة وافرح وزيط
لما اشوف صورتي تزين كل حيط
وبينفحتلى فى ناحية تانية بير غويط
..
أنا عارف إن الصهيونية
قبل النازية

عاززة تسود كل البشر
الفكرة واحدة
بس الطريقة بتختلف
منها اللي حارب وانكسر
لما اندثر
ماتت معاه الفكرة ما بقلهاش أثر
ومننا اللي وضع الخطة على طول المدى
لما ابتدى
فى الخطة كان كبش الفدا
ارض العرب
مع شعبها اللي قالوا لازم ينضرب
علشان ما يبقى العمدة ولد العم سام
يبقى اللجام جوه الحنك
من غير كلام
من دير سالم يبقى محكوم الزمام
من الخليج لحد ما تروح المحيط
أنا مش عبيط

..

فى الخطه قالوا بعد كده فيه مرحلة
بيبقى السلاح فيها الرنىمى الاقتصاد
ينهش فى جسم الناس ينخر عضمها
يتقشى مرض العصر فى جميع البلاد
والناس تحج لأورشليم من كل فج
تطلب تجدول دين وتأجل ميعاد
وده حلم ولد العم على مر العصور
ومسميين أرض العرب أرض الميعاد

..

ومن فوق جبل صهيون أحكم خطته
وشعوب كثيرة قدر طواها فى جبهته
وبكل أنواع التسلح مدته
وأنا قلت لا ..

وفى حيز التنفيذ لاقانى فى سكتة
قاطع عليه كل الطرق لما بدأ

..

ولما أمريكا تحيزتله فى الضلال
وقالتله أرض العرب لك من غير جدال
وبنتله سد مالهش حد بأى حال
أنا قلت لا ..

وضربت للدنيا المثل عند القتال
وسلاحى كان خرطوم مياه سلم حبال
وظلعت عين الشمس وعبرت المحال
وقطعت يده وهلت سده فى القنال
وقلت لا ..

..

وجوه بيته قتلته بصدق الرجال
أرض العرب ملك العرب مافيهش فصال
وان كنت تحلم بالسلام من غير قتال
تتسى الصلف والغطرسة
تتسى بروتوكول الضلال
تشطب غبارة الصهيينة
من جوه ذاكرة العيال

وإلا.....

لا.....

هقولها تانى ألف مرة بألف حق

تطبيع وسوق وياك فى أرض

لا.....و

لا.....

..

ليه يا بن عمى؟

فوق الجميع عاوز تسود

دنا زى زيك

ليه حقى فى الوجود

من تانى راجع

تبتديها بالاقتصاد

وتمد يدك فى الوطن

من غير حنود

..

راجع تقول

عاوزين نخلي الشرق سوق

تبقى فى يدك ثروتى

وما يبقاليش عندك حقوق

دلو الغروب

بدل مكانه مع الشروق

مش ممكن إنت

راح تكون للخير وسيط

وأنا مش عبيط !!

اليه المسئول

يا حضرة البيه المسئول
ليه حضرتك دايماً مشغول ؟
وسايبنا مش فاهمين حاجة
وكل واحد فينا مدهول
تسمح يا باشا تفهمنا
ونقولنا فين المعقول
وإذا كنا مش قادرين نفهم
ولو لاقيت مخنا مققول
أعذرنا وفتح لنا صدرك
أصل إحنا ناس عايشين ع الفول
يا حضرة البيه المسئول

..

لو كنت مسئول ع الصحة
إسمعنا من غير إسمنراز
ليه فى كل حته مستشفى
مبنية على أحدثها طراز
وفيهما أجهزة ومعدات
غاليه وم الصنف الممتاز
وعشر سنين وهى مركونة
من بعد حلها م القراز
من غير ما حد يشغلها
ولافيش صيانه من عمالها
إنكونش ناوى تحولها
أفران وهشغلها بجاز
..

والأجهزة فيها صدت
وحطاتها شريخت واتهدت
ولا فيش مريض يده تمدت
فيها وانكتبله قرص علاج

أسف يا باشا أنا مش فاهم
ده برضه يبقى كلام معقول ؟
يا حضرة البيه المسئول
..

وإذا كنت مسئول ع التعليم
إسمعنا من غير سخرية
ليه تمللى فيه نقص مدرس
فى المرحلة الابتدائية
والمعهد اللى انت قفلته
ماينتش مطرحه كلية
فى التربية ما موسعش
خريج آداب ما معينش
وجايبلى واحد ما فاهمش
دبلوم مدارس ثانوية
ومعينولى بالحصة
من غير دراية بالقصة
لما الحلوة بقت غصة

من الطريقة الملوية

..

وتمللى فيه ناظر مغرور

عصبى وراكباه جنية

يخلى دم الطفل يفور

وبوله ينزل حنفيه

لما يناديله فى وسط طابور

ويقوله بطريقة غيبة

يا تدفع المصاريف يا تغور

ما فتحهلكش أنا نكية

..

وفى الفصول الطفل يعيش

فى عذاب وهم من الحيرة

أبويا بيقولى معايش

والأبله طلباتها كثيرة

واقفة تقول ما تترفيزونيش

وترهقونى من غير لازمة

ما تخلونيش أنه عتريس

علشان يقلعكوا الجزمة

••

مفهوم كلامى ولا أقول تانى ؟

مش طالبيه حاجة علشانى

تجيبوا اللى طلباه بلسانى

من مكتبة أستاذة سالمه

••

كشكول مربع ميت صفحة

وكراسات صفحة وصفحة

والرسم أدواته واضحة

بين السطور جوه القائمة

••

عاوزين كمان صمغ وطباشير طبى

ما يخربش المنوكير

وبشاورة ومقشيه ومسامير

وورق مسطر كام رزمة

••

عاوزين لوح على كل الحيط
مرسومة متخططة بالزيت
وزينة كوريشة أبو تنقيط
وورد بلدى ييجى حزمة

••

عاوزين سنارة لها كرانيش
وأكره نيكل ما تصديش
وتدهنوا الشبابيك والشيش
وترسموا على الباب نجمة

••

من كل واحد خمسة جنيه
لسة طالبها ساعات البيه
معرفش راح يعمل بيها إيه
ضرورى فيه حاجة مهمة
وبعد بكره فيه نقنيش
راح يحضره الأستاذ درويش

واللى هيجى يقولى مفيش

راح يضربه لحد ما يعمى

..

والحصه خلصت كده يا ولاد

يا الله استعدوا للمراويح

واللى يجيب بكره الطلبات

هنقول عليه شاطر بصحيح

..

الواد من المدرسه يطفش

معرفش فيها حرام وحلال

لما قدر لاقيناه يبطش

وحط همه فى جمع المال

..

من بعد كده نبقى نهاتى

ده أمى نقصاه توعيه

ونفضل ننادى يا خواتى

تعالوا نمحى الأميه

آسف يا باشا أنا مش فاهم
ده برضه بيقه كلام معقول ؟
فهمنى الله لا يسينك
أصل إحنا ناس عايشين ع الفول !
يا حضرت البيه المستول

استيراد الفساد

يا عم ياللى بتستورد
ورد لنا م الغرب وهات
ورد لنا علم وأبحاث
ما تجييلناش تقاليع وعادات
تقاليع فساد ترعى الولاد
زى الجراد فوق النبات
يا عم ياللى بتستورد
ورد لنا م الغرب وهات

..

أنا شفت أخويا سافر بره
بعثة لجامعة فى أمريكا
يدرس هناك علم الذرة
يعرف أصول الديناميكا

رجع مخالف بالمرّة
ماسح عداتنا باستيكة
وسألته قال دى حياه حرة
ياللى إنت عايش ع الويكة
ولاقينه طاغى ومتمرد
على دائرة الأخلاق بالذات
يا عم يا للى يتستورد
ورد لنا م الغرب وهات
..

أما العلوم اللى درسها
واخذ فيها شهادة كبيرة
وبدل ما بيحى يرمى أساسها
ويسيبها بذرة وخميرة
رماها وبرجله دهسها
وقال كفاية فضها سيرة
وخدها ورجع تانى لناسها
لحسن دى مصاريها كتيرة

وبعد حبة لاقيته راجع
وفى شنتطته ييجى كام توكيل
لشركة بتورد موضة
والثانية بتورد شخايل
وجماعة بتورد مافيا
وعاملة جائزة للمساطيل
وجماعة بتورد أفكار
مايعة وبايعة للتضليل
..

وفتحلها مراكز توزيع
وزاع خبرها فى وادى النيل
حتى الأراضى الزراعية
خضعت لقوانين التحويل
حولها صالة بلياردو
ودش ينقل م البرازيل
وفيديو جيم ونادى فيديو
صبح معاه الوقت قتيل

والأرض ما يقتش بتدى
إنتاج وأصبح خيزها قليل
من يوم ما صعفت سواعدنا
وشبابنا بقى مائع وهزيل

••

وبيت أبويا فى القرية
بدال ما كان دار ودوار
ومكتبة ومصلية
ومنصرة لكبار وصغار
بنحل فيها مشاكلنا
وتقيموا فيها للرأي حوار
بص لده كله ما عجهوش
هده وقلبه بالمندار
وعمل بدال البيت كباريه
وعمل مكان المنصرة بار
والمكتبة بقى مطرحها
برتيته دايرة ولعب قمار

من بعد كده شفته بيلقى
م المسئولين نظرة إيهار
لما صرخت يا ناس فوقوا
ما يغركش دا ده غرار
قالوا عليا سبيكم منه
دا لسه فاضل غبي وحمار
ما بقاش فى إيدى غير الشكوى
للو احد الأحد الغفار
أرفع اليه يدى تضرع
يسترها ويانا الستار
يحفظ بلدنا ويحميها
ويصون شبابنا من الأزمات
يا عم يا لى بتستورد
ورد لنا م الغرب وهات

الفهرس

رقم الصفحة	القصيدة
٣	إوعاكي يامه
٧	طنش
١٤	صرخة حجر
٢٠	أنا غيبي
٣١	بيع الضمير
٣٧	الشباب
٤٢	حكاية كفر قرقاصة
٥٠	من وراء الكواليس
٥٨	فلاح بسيط
٦٤	اليه المسنول
٧٢	استيراد الفساد

رقم الإيداع ٢٠٠١/١١٤٨٨

١٠٠٠٠٠٠٠

نيراس
للتشهر والخدماء الإعلانية